

## Imaqarniliaq

Kommuneqarfik Sermersuumi Inuit innarluutillit pillugit  
Siunnersuisoqatigiinni ataatsimiinneq

- Sisamangorreq 28 november - nal. 14.00-16.00

Sumiiffik: Ataatsimiittarfik 2 1, sal, Kommuneqarfiup allaffia, Kuussuaq  
2, 3900 Nuuk

### **Peqataasut**

Sara Jilsø Fleischer, siulittaasoq

Nanette Hammeken Arboe, ilaasortaq

Paulus Napatoq, ilaasortaq

Cecilie Victoria Schierbeck, Oqartussaqaarfinnut tunngasuni  
fagcheffi (SI)

Susanne Kærulff Ettrup, Innarluutilinnut aamma Tarnimikkut  
nappaatilinnut immikkoortumi fagcheffi (SI)

Kasper Kjeldgård Jensen, imaqarniliortoq (SI)

### **Peqataangitsut:**

Viggo Johansen, siulittaasoq

Aviaaja Geisler, ilaasortaq

Martha Lund Olsen, Meeqqanut & Ilaqutariinnullu pisortaq  
(MI)

Ellen Magnussen, Ikiorsiissuteqartarnermut tunngasuni  
fagcheffi (MI)

Peter Brix Adersen, Oqartussaqaarfinnut tunngasuni fagcheffi  
(MI)

Laila Skydsbjerg Skytte, MISI-mi siunnersuisarfimmi  
pisortaq

### **Oqaluuserisassat**

#### **1) Siulittaasumit nutaarsiassat**

Innarluutillit pillugit siunnersuisoqatigiit iluanni  
attaveqaqatigiinneq tamakkiisumik ingerlanngilaq.  
Innarluutillit pillugit inatsisissamut annertuumik  
sulisoqarsimavoq.

Innarluutillit pillugit siunnersuisoqatigiit inassutigaa

- Innarluutillit pillugit siunnersuisoqatigiit sulianut tunngatillugu  
pikkorissarnernut atorneqartussanik tamakkiisumik  
ilaanakortumilluunniit aningaasartuutitut matussusiisoqarnissaa  
kissaatigaat.
- Sulinermi annaasanik pissarsisinnaanermut periarfissaq. Maanna  
akissarsianik annaasaqartoqarsinnaavoq.



*Isumaginninnermut  
Suliffeqarnermullu  
Ingerlatsivik  
Forvaltning for Velfærd  
og Arbejdsmarked*

Imaneq 34  
Postboks 1005  
3900 Nuuk  
Grønland  
[si@sermersooq.gl](mailto:si@sermersooq.gl)  
[sermersooq.gl](http://sermersooq.gl)

Tlf. +299 36 74 00

Man. - ons. ....kl. 10 -  
15  
Torsdag .....kl. 12 -  
17  
Fredag .....kl. 10 -  
12

Innarluutillit pillugit inatsisissaq pillugu isumasioqatigiinnermi Innarluutillit pillugit siunnersuisoqatigiit inissaqanngitsut Isumaginninnermi aqutsisoqarfiup nalunaarutigaa. Innarluutillit pillugit siunnersuisoqatigiit suliaannik amigartumik paasinnissimanermik tamanna takutitsineruvoq.

Innarluutillit pillugit siunnersuisoqatigiit 28 novemberimi politikernik pitsaasumik ataatsimeeqateqarput. Ilaatigut oqaluuserineqarput innarluutillit pillugit politikernut, innuttaasunut suliaasaqarfimmilu sulisunut ulloqartitsineq.

## **2) Ingerlatsivimmit nutaarsiassat**

### **2.1: Suliffeqarnermut Isumaginninnermullu Ingerlatsivik**

Aqutsisoqarfik Isumaginninnermut Aqutsisoqarfiup innarluutillit pillugit inatsisissaq pillugu isumasioqatigiisitsinerani peqataavoq.

- Tamanna immikkoortut ilaannut tunngatillugu paasisaqarnarpoq.

Sapaammi 1. decemberimi Innarluutilinnut aamma Tarnimikkut nappaatilinnut immikkoortup Qinngutsinni immikkoortortaq nutaaq tiguaa.

- Nutaaq 16-inik 19-inilluunniit inissaqarpoq pequtsersornera apeqqutaalluni.
- Illumik tigusineq naatsorsuutit sioqqullugit pivoq, taamaammat annerusumik piareersartoqarsimanani.

Najugaqatigiiffinni isumannaallisaanermik ikuallattoqarneranilu qimaaffissat pisariaqartinneqartut pillugit inissiineq.

- Pisoqarsinnaasarpoq sulisut qimaaffissaqartariaqarlutik. Tassunga atatillugu inimit naqqanit portunerit siunertamut naapertuutinngillat.
- Illunut najugaqatigiiffiusussanut piumasagaateqarneranik tamanna kinguneqartarpoq.

Utaqqisut allattorsimaffiat

- Innuttaasut 80-it missaat utaqqisunut allattortissimapput, najugaqarfittaarlu taakkuninnga annerusumik ikilisitsinaviarani.
- Utaqqisut allattorsimaffiat ikileriarfiungaatsiassappat angisuunik sanaartugassanik pilersaarusiortariaqarpoq ( taakku Aningaasanut inatsimmut ilaatinneqassapput, 2020-imili taamaattoqarani).

Utoqqaat eqqarsartaatsimikkut nappaatillit

- Utoqqaarnik sullissinnermi ikiuilluartoqarsinnaavoq - assersuutigalugu utoqqaat illuini immikkut sulisulersornikkut

ikiorsiineq. Aningaasatigut akiligassartai immikkoortumut akisussaanermik tunngavik naapertorlugit ingerlanneqassaaq.

Sinniisut pillugit apeqquummik malitseqartitsineq. Maleruaqqusani allaqgavoq sinniisut qinikkanut tunngatitaasut. Tassa siunnersuisoqatigiinni ilaasortat tamarmik immikkut sinniisoqarput. Sinniisussat siulleg tullerlu ataatsimiinnernut tamanut qaaqquneqartussatut qinigaanngillat.

### **3) Imaqarniliap akuerineqarnera**

Imaqarniliaq akuerineqarpoq.

### **4) Immikkoortut**

#### **4.1: Inunnut killilimmik piginnaasalinnut illersuisoqartarnissaa**

Innarluutillit pillugit inatsisisami - Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq - 1. januar 2020-mi atulertussaq naapertorlugu kommunit meeqqanut inunnullu killilimmik piginnaasalinnut inersimasunut illersuisoqartitsisarnerat atulertussaavoq.

Naatsumik oqaatigalugu kommune illoqarfinni tamani illersuisoqartussaavoq taakkulu inunnut killilimmik piginnaasalinnut illersuisuusussaallutik pisortani suliaasaqarfigineqarunik (amerlanertigut kommunimut namminerlut).

Ingerlatsiviup tusarusuppaa Innarluutilinnut siunnersuisoqatigiit kommune qanoq ililluni illersuisussanik sulisussarsiorsinnaanersoq attassiinnarsinnaanersorlu pillugit inassuteqaatissaqarpat.

Illersuisoqartarneq pillugu naatsumik saqqummiineq (Susanne Kærulff Ettrupimit).

- Paamiuni Tasiilamilu marlunnik illersuisoqartussaavoq Nuummilu amerlanerussagunarlutik.
- Aaqqissuussineq Meeqqanut Ilaqutariinnullu Ingerlatsivimmik suleqateqarnikkut pisinnaassagunarpoq.
- Isumaginninnermik aqutsisoqarfik ilinniartitsisassaaq.
- Illersuisut akissarsiaqartinneqassapput.
- Illersuisussat sisamat arfinillillu akornanniittut kommunip pisariaqartippai.
- Illersuisut qanoq pisariaqartinneqartiginerat ilisimanngilarput.
- Illersuisut kommunalbestyrelsit qinigaaffiannut malinnaassapput.

#### Illersuisunik atorfinitsitsisarneq

- Innarluutillit pillugit siunnersuisoqatigiinnut apeqqut: Kommune suminngaaniit atorfinitsitseriassava (Cecilie Schierbeck)
- Isumaginninnermi aqutsisoqarfiup illersuisut ilinniartinneqarnerisa ataqatigiissarnissaat isumagissavaa illersuisullu pikkorissartittarnissaat isumagisassallugu.
- Sulisussarsiorfissat ilimanaatillit (Nanette Arboe Hammeken /Sara Jilsø Fleischer).
  - o Innarluutillit kattuffiisa ilaasortatik tusarniaavigisinnaavaat
  - o Ilisimatusarfik
    - Assersuutigalugu perorsaasunngorniarfik aamma isumaginninnermik siunnersuisunut ilinniarfik
  - o Qinnuteqartussat piunassuseqartuussapput.
  - o Eqimattat ilaannut ilinniartuunermi suliffiulluarsinnaavoq.
- Suliassat qanoq annertutigineri ilisimanngikkaanni illersuisussarsiorneq ajornakusoorsinnaassagunarpog (Nanette Arboe Hammeken).

#### Illersuisoqartarnermut tunngasunik siunnersuutit

- Kajumissutsiminnik sulisut suliakkerpallaaraanni tammartarput. Tamanna qularutissaanngilaq (Nanette Arboe Hammeken).
- Qinnuteqartut qanoq suliassanik amerlatigisunik tiguisinnaanissartik pillugu eqqarsaatersuutigisimasariaqaraat pingaaruteqarpoq (Nanette Arboe Hammeken).
- Akisussaaffimmik nassuaateqarnissaa aamma pisariaqarpoq (Sara Jilsø Fleischer).
- Innuttaasup tusarusutani tusarpagu illersuisumit innuttaasoq sakkortuumik qisuariartartumut tikkuaassalluni ajornakusoorsinnaavoq innuttaasoq kukkusoq (Susanne Kærulff Ettrup).
- Illersuisunik qanoq pisariaqartitsisoqartiginera paasiniarlugu piffissami aalajangersimasumi ulloqartitsilluni oqaloqatigiiffiusunik (Cecilie Schierbeck).
- Illersuisut innuttaasullu akornanni aamma aaqatigiinnissaat pingaartuuvoq (Cecilie Schierbeck).
- Illersuisut inatsiseqartitsineq kisiat ilisimassanngilaat. Isumaginninnermik ilisimasaqarlutillu paasinnissinnaasariaqarput (Nanette Arboe Hammekenimit).
- Illersuisut aamma piginnaasaminnik ineriartortitsinissamut periarfissaqartinneqartariaqarput - suliannillu unammillerneqarlutik ((Nanette Arboe Hammekenimit).



- Illersuisut ataatsimoornissaat pisariaqarpoq (Nanette Arboe Hammekenimit).
- Illersuisut piffissami sivisunermi innuttaasumut ingerlaavartumik ataavartumillu sullissinissaat attaveqarluarnissaallu pingaaruteqarpoq (Susanne Kærulff Ettrup).

#### Kommunip suliassanik pingaartitsinera


- Ingerlatsineq pillugu ingerlalluarnissaat eqaatsuunissaallu kommunip soqutigisarai. Illersuisoq ikiuussinnaappat tamanna tapersorsorluassavarput (Cecilie Schierbeck).
- Piunasaqaatit paasiuminartuussapput (Cecilie Schierbeck).
- Sulianik sullissinermi siuariartoqarnissaa siunertaavoq (Cecilie Schierbeck).
- Illersuisunut soqutigisanik aporaaffinnik pilersoqarsinnaavoq - kommunimit akissarsiaqartinnequt immaqalu sulianik sullissisoq/innuttasoq ilisarisimallugu (Sara Jilsø Fleischer).
- Illersuisunik aqutsineq Isumaginninnermi aqutsivimmit isumagineqalersuuppat immaga tamanna imminut naapertuunnerussagaluarpoq (Sara Jilsø Fleischer).
- Innuttaasup illersuisullu akornanni imminut qanoq atatiginissaat killilersinnaavarput (Cecilie Schierbeck).
- Illersuisoq aallaqqaataanit suliamik naammassinninnissamut ilaasassaaq - kommunillu iluani aqqissuussinerit peqqutiginnarlugit illersuisut taarserneqartassanngillat (Cecilie Schierbeck).
- Aqunneqarsinnaanngitsumik allaffissornerujussuanngunnginnissaa pingaaruteqarpoq (Cecilie Schierbeck).
- Meeqqamit inersimasunngornermut ikaarsaarneq - immikkuutaartunik eqqarsarnaveersaaritsi.  
MI-p aamm SI-llu akornanni akisussaafimmik agguataarineq akimorlugu illersuisoq sulisinnaassaaq (Sara Jilsø Fleischer).

#### Ingerlatsiviup sorliup aqussavai (Sara Jilsø Fleischer)?

- AKISSUT: Isumaginninnermut Suliffeqarnermullu Ingerlatsiviup inersimasut (+18) ingerlatissavai meeqqanullu sullissinermi Meeqqanut Ilaqutariinnullu Ingerlatsiviup aqutarissallugit (Susanne Kærulff Ettrup).
- Tassungaa atatillugu illersuisup ukiui apeqqutaatinnagit malinnaasarnissaa pingaaruteqarpoq (pineqartorlu 18-iliippat sullissiunnaarani) (Sara Jilsø Fleischer).

#### **4.2: Tusarniaanermi akissut: Isumaginninnermi suliassaqarfimmi nakkutilliisarneq pillugu nalunaarut nutaaq**

Namminersorlutik Oqartussat isumaginninnermi suliassaqarfimmi



nakkutilliisarneq pillugu nalunaarutip tusarniaassutigineqarneranut Innarluutillit pillugit siunnersuisoqatigiit akissuteqarsinnaapput.

Innarluutillit pillugit siunnersuisoqatigiit ingerlatsivik peqatigalugu tusarniaanermut akissuteqarsinnaapput.

Namminersorlutik Oqartussat tusarniaanermut akissuteqarfissatut killiliussimavaat 6. december 2019.

## 5) Tamalaat

### 5.1. Sullissinerup qaffasissusaata assigiissaarnera

- Inatsisiliordermi anguniarneqarpoq sulianik sullissisup innuttaasup piginnaasaasa annikillisimaneramik ikiorneqartariaqarnera assigisaanilluunniit tunngasut nalilersortassallugit. Sulianik sullissisunut akisussaaffimmik tunniussineq annertuvoq, pisunilu tamani tamatumingga naammassinnissinnaanissaat ilimanangilaq (ingerlatsivinnit kiisalu Innarluutillit pillugit siunnersuisoqatigiinnit).
  - o Sullissisunik inuttut pinngitsuuisinnaajunnaarnissaat aarlerinarpoq.
  - o Allaffimmi pappiararsornermik annertuumik nassataqartussatut isikkoqarpoq. Sulianik sullissisut suut suliarineraat suliaasalu qanoq issusaat inatsisiliortunit paasineqarsimangilaq.
- Aporfup tamatuma qaangerniarnissaanut suliat Inersimasunut sullissinermi suliaasaqarfiit akimorlugit ataatsimiititaliami (Tværfagligt Voksenudvalg (TFU)) nalilersorlugit Kommuneqarfik Sermersuup tamanna aaqqinniarpa (Cecilie Schierbeck).
  - o Pitsaassutsimik qulakkeerineq: Suliat TFU-mi oqaloqatigiissutiginerisigut uppersaasarsuineq paasiuminartuunerlu qularnaartassavarput.
  - o TFU-p uku inuttarai: fagchef, ledende terapeut, suliffissarsiuussisarfimmit aallartitaq, SANA (Gert Mulvad) kiisalu Oqartussaarfik.

### 5.2 Suliat nassuiaasersorneri

Innarluutillit pillugit nalunaarummut 1. januarimut peqataanissaq maanna piunasaqaataajunnaarpoq.

Taamaalilluni suussusersiniartussaataaneq aamma piunasaqaataajunnaarpoq. Tarnikkut nappaateqartunik sullissinermi sulianik suliaqartut suussusersiniartoqartarnera iluaqutigisimaqaat.

- Taamaamat tarnikkut nappaateqartunik sullissinermi nakorsanik isumasioqateqartariaqarpugut (Susanne Kærulff Ettrup)



- Innuttaasut amerlasuut pissutsit allat peqqutigalugit suussusersiniaanissamik pisariaqartitsipput. Taamaaliornermilu ikiorserneqarnissaat aamma ajornannginnerulissaaq, tassami nappaataasinnaasumik suussusersiineq piginnaasanik annikillisitsisimanernik uppersaataasuummat (Nanette Arboe Hammeken).

### **5.3 Innarluutilinnik sullissinnermut quppersagaq 2018-imeersoq**

- Atortussani pitsaanersaasimanngilaq.

### **5.3 Siusissukkut iliuuseqarneq**

- Ernumassuterpassuavut (Innarluutillit pillugit siunnersuisoqatigiinni) sulisut patajaatsut eqgarsaatigalugit pinngoralersarput. Eqimattat qajannartut innarluuteqartuusut qanoq sullinneqassappat. Sullissisuisa sumiginnaaneri paasinngitsoorneqarsinnaapput (Sara Jilsø Fleischer)?
- Nanette: Ilaqutariit tamakkerlugit suliniutit annertusarnerisa ukkatarineri.  
Innuttaasut ikiortissaasuasut ikiortissarsiorsinnaanerat ajornakusoorsinnaavoq.

### **5.4. Suliassaqarfiit akimorlugit ilisimasanik avitseqatigiinneq**

- Ingerlatsiviit akunnerminni paasissutissanik avitseqatigiissinnaalluarput (Sara Jilsø Fleischer)
  - o Tamanna aamma ESDH-mi pisinnaalluarpoq (Cecilie Schierbeck)

### **5.5 Innarluutillit pillugit siunnersuisoqatigiinnut siunnersuutit**

- Innarluutillit pillugit siunnersuisoqatigiit iluaqutaasunik kaammattuuteqartarsinnaapput isummanik nutaanik saqqummiillutik assersuutigalugu kommunalbestyrelsimut (Cecilie Schierbeck).

*Inuulluaqqusillunga // Med venlig hilsen*  
Isumaginninnermut Suliffeqarnermullu Ingerlatsivik  
Forvaltning for Velfærd og Arbejdsmarked

